


Маънавий тирик одамнинг уйи ҳам тирик бўлади



11:50 / 24.12.2023 761

نَع ۛ هُنَّ عُلُوهُ لَلَا يَضُرُّ رِبَّاجٌ نَع
هِي لَع هَل لَّا يَلُصُّ يَبُّ نَلَا
مُكُذَّحًا يَضَقُّ إِذَا لَاقَ مَلَسُو
هِجَّ سَمَّ يَفَءَ لَّصَلَا
أَبِي صَنَنْ هِتِّي بِلْ لَعُجَّ يَلَف
لَعَّاجَ هَل لَّا نَأْفُ هِتَّ أَلَّصُّ نَم
أَرِي خَ هِتَّ أَلَّصُّ نَم هِتِّي بَ يَف

Жобир розияллоҳу анҳудан ривоят қилинади:

«Набий соллаллоҳу алайҳи васаллам:

«Бирортангиз масжидидаги намозни битирса, уйи учун ҳам ўз намозидан насиба қилсин. Чунки Аллоҳ унинг намози сабабли уйда яхшилик қилади», дедилар».

Демак, уйда ўқилган нафл намоз уй учун хайр-барака ҳосил бўлишига сабаб бўлар экан.

هُلَلَا يَضَرُّ سَوْمَ يَبَا نَع
هُلَلَا يَلْصُقُ يَبْنَلَا نَع، هُنَع
لَتَمَّ لَأَق مَلَسُو هِيلَع
هُلَلَا رَكُذِي يَدْلَا تِيَبَلَا
رَكُذِي آل يَدْلَا تِيَبَلَاو هِيَف
يَخْلَلَا لَتَمَّ هِيَف هَلَلَا
مَلَسُمُ أَمْهَ أَوْرِي تِيَمَلَاو

Абу Мусо розияллоҳу анҳудан ривоят қилинади:

«Набий соллаллоҳу алайҳи васаллам:

«Аллоҳ зикр қилинадиган уй билан Аллоҳ зикр қилинмайдиган уй худди тирик билан ўликнинг мисолига ўхшайди», дедилар».

Иккисини Муслим ривоят қилган.

Аллоҳнинг зикри уйни тирик ҳолига келтиради. Зотан, фақат Аллоҳни зикр қиладиган одамгина маънавий тирик бўлади.

Демак, маънавий тирик одамнинг уйи ҳам тирик бўлади. Аллоҳни зикр қилмайдиган одам маънавий ўлик ҳисобланади. Бинобарин, унинг уйи ҳам Пайғамбаримиз соллаллоҳу алайҳи васаллам гувоҳлик беришларича, ўликдир.

Намоз эса Аллоҳ зикрининг энг юксак зирваси – чўққисидир. Ким уйида нафл намоз ўқиб турар экан, у уйининг шарафи ошади, қадри юксалади. Сажда қилинган ҳар бир парча ер қиёматда сажда қилувчи фойдасига гувоҳлик беради.

Шунинг учун ҳам ҳар бир мўмин-мусулмон уйини намоз билан, Аллоҳнинг зикри билан обод қилиши керак. Кўпгина оддий, содда уйлар бениҳоят ободдир. Ҳаммамиз уйимизни тирик уйлардан, зикруллоҳ ила обод бўлган уйлардан қилишга уринайлик.

«Ҳадис ва ҳаёт» китоби асосида тайёрланди